

傷寒大白

亭

傷寒大白卷之二

雲間秦景明從孫之楨皇士甫纂著

新安陳懋寬敬敷梓

男堂周明

咸賓楚良

及門衛琰叙九

棠蔭南

會訂

衛瑄式九

楊鼎爵讓侯泰閱

慎廷輔匡如

蔣思永子培全較

似瘥

似瘥者發作有時而准也按似瘥與潮熱皆不失時

候。但熱不寒者。名潮熱。先寒後熱者。名似瘧。故曰似瘧表症也。發於晝。邪在陽分。氣分者輕。發於夜。邪在陰分。血分者重。若發於寅卯二時。少陽症也。柴胡湯主之。寒多者加羌活。防風。熱多者加黃芩。山梔。若發於辰巳午三時。或一日一發者。太陽症也。加減羌活湯主之。寒多倍加羌活。防風。熱多加黃芩。山梔。發於未申二時。或間日一發者。陽明症也。乾葛湯主之。若寅卯先見煩躁。煩熱。至未申而熱甚者。陽明而兼少陽也。重加柴胡。黃芩。若發時寒多。加羌活。防風。熱多。加知母。石膏。此以時候分各經主治之法也。又有一

日一發惡寒頭痛脉浮而數爲太陽經卽以前方羌活湯若間日發作熱多寒少脉長而大煩渴消水者爲陽明經卽以前方乾葛湯加減主之若寒熱口苦脉弦而數者爲少陽經卽以前方小柴胡湯加減服之此又據症據脉分各經主治之法也寒熱發在午前者表症也宜發表寒熱發在午後者邪在半表半裏一半散表一半清裏若但熱不寒發在午後者瘧陽症宜清裏爲急大凡似瘧發作不愆其期者則非虛熱不論日數悉作邪治有表邪惡寒失散表邪內伏變症有裏邪失治裏邪病必不愈若發時手足皆

冷甚至麻木。此積熱從內發外。風寒束其外。裏熱不得發越。是以手足反冷。宜先散表邪。後清積熱。積熱先感伏於內。未曾發病。風寒後感。束於外。其病乃發。後感之風寒。在外而近。故先寒。先感之積熱。在內而遠。故後熱。積熱本病。表寒標病。近者先治。故凡病先散表。後清裏也。若發時。胸前或滿或嘔。或熱或嘈。或痛或惡心。此痰飲內伏。故嘔吐也。宜以二陳導痰湯。熱令有火。加山梔川連。沖竹瀝熱服。若胸前飽悶。嘔吐不食。此食滯胃家。宜以平胃保和散。青皮檳榔散。草菓飲。加白豆蔻川連。若內有積熱。忌辛燥者。沖蘿

葡汁以似瘥症必夾痰食而起者故曰瘥家中脘多  
畜黃水腸胃有痰飲積食至其時則發作上潮宜先  
用吐法隨用導痰湯草菓飲保和散消盡痰積重加  
檳榔查肉則無瘥母癖塊之患大凡痰飲食積似瘥  
症若在熱令發作雖忌辛溫燥味又忌生冷抑遏以  
此症最易變重夫瘥疾間日而發發後清爽仍能行  
走飲食若一日一發發後身雖涼不能起身飲食乃  
太陽經先寒後熱之寒熱病非真瘥也初起先寒後  
熱宛似瘥症失忌風寒飲食一熱不涼矣此症如發  
熱汗多表邪不解久病不愈直待汗少方是熱減可

愈之機。若一起從來無汗。或汗向少。尚有惡寒表症。直待汗多。方是表邪解散之徵。故曰無汗惡寒。表症也。欲其有汗。散表爲先。有汗潮熱。裏症也。欲其無汗。清裏爲急。如初起。胸前飽悶。惡寒發熱。不思飲食。此胃家有滯。直待胸前寬適。飲食能進。方有愈期。若胃強能食。發熱不止。此陽明有熱。必減其飲食。則穀氣不助熱邪。而熱自減。故云日暮微煩。減穀卽愈。

太陽病得之八九日。如瘧狀。發熱惡寒。熱多寒少。其人不嘔。清便。欲自可。一日二三度發。脉微緩者。爲欲愈也。脉微而惡寒者。此陰陽俱虛。不可更發汗。更下。更吐也。面色反有熱色者。未欲解也。以其不得小汗出。身必癢。宜桂枝麻黃各半湯。

太陽病得之八九日。一日一發。先寒後熱。如瘧狀。若其人。不嘔。清便。則裏無邪。當自可。若一日二三度發。則是邪散變輕。而無准期。脉又見微緩。則爲自愈。若仍見惡寒表症。而脉微。當知陰陽俱虛。不可更發汗。更下。更吐也。若見面熱赤色。此其表邪。

未解未得小汗出身必發癢仍當發汗冬月北方用麻桂各半湯南方三時用羌活防風湯

服桂枝湯大汗出脉洪大者與桂枝湯如前法若形如瘧日再發汗出必解宜桂枝二麻黃一湯

服桂枝湯汗大出病不解脉反洪大又與桂枝湯又見形如瘧若一日兩發此是表邪欲解之象因桂枝止治風邪寒邪終不得散故加麻黃一半以散寒邪則汗出而必解可見太陽似瘧皆主散表不比陽明似瘧有汗下兩條者

病人煩熱汗出則解又如瘧狀日晡所發熱者屬陽

明也。脉實者宜下之。脉虛浮者宜發汗。下之與大承氣湯發汗宜桂枝湯。

太陽如瘧皆表邪。今日晡發熱。此陽明似瘧之症。故分脉沉而實宜下之。以大承氣。脉若不實而浮。尚是太陽似瘧。而以桂枝發汗也。

少陽篇曰。婦人中風。七八日續得寒熱。發作有時。經水適斷者。此爲熱入血室。其血必結。故使如瘧狀。發作有時。小柴胡湯主之。

此條專言女科熱入血室。似瘧症。小柴胡湯兼治少陽厥陰。再加引入血分之味。

小柴胡湯 見寒熱頭眩二門

按似瘧症。若發寅卯二時。又見弦數之脉。以此方主治。若惡寒身痛。加羌活。無汗加防風。胸前飽悶。加枳殼。厚朴。草薢。白芷。薤白。口渴加知母。石羔。乾葛。嘔惡加竹茹。倍半夏。

加減羌活湯 見惡寒

似瘧發於午前。見惡寒身痛。伸欠拘禁。爲太陽症。故

以此方發表。

升麻乾葛湯

升麻 乾葛 白芍藥 甘草

此治陽明經有汗惡寒之瘧。若無汗去白芍藥。加防風。惡寒身痛。加羌活。嘔惡加半夏。厚朴。口渴消水。加乾葛。石羔。胸前飽悶。加草菓。白荳蔻。

白虎加桂枝湯

似瘧症。表有寒邪。忌白虎。裏有積熱。忌桂枝。今以石膏之清涼。同桂枝亦能散表。桂枝辛熱。同石膏亦化清涼。桂枝治先惡寒。石膏治後發熱。

二陳瀉痰湯

半夏

南星

枳實

赤茯苓

橘紅

甘草

石菖蒲

胸前飽悶又見寒熱似瘧此因痰成瘧故立此方外  
胃表邪加羌活柴胡乾葛裏有積熱加山梔黃連白  
荳蔻厚朴

平胃散

見譫語

腸胃濕熱恒發似瘧若發時胸前飽悶悉以食積主  
治兼胃表邪加羌活柴胡葛根防風內兼積熱加山  
梔黃連枳殼食積重者加查肉一兩青皮三錢嘔吐  
加竹茹半夏白荳蔻

草菓飲

草菓仁

青皮

白芷

甘草

紫蘓

白荳蔻

山查 萊菔子

人冒外邪。但發寒熱。不成瘧症。若腸胃先有食積痰涎。後又外感風寒。則發似瘧。故家秘以此消痰積。若發時惡寒身痛。此後感之表邪急也。加羌活。柴胡。升麻。口渴唇焦。先感之積熱重也。加梔連。

不思飲食。似瘧不愈。消其飲食。不助熱邪。而熱自除。  
能食而似瘧不愈。禁其飲食。不助邪熱。而熱自減。以  
似瘧之症。皆因內有痰飲積熱故耳。

家秘截瘧飲

羌活

柴胡

升麻

半夏

厚朴

枳櫛

青皮

枳殼

木通

查肉

潮熱

潮熱者如潮水之有准而不失其時但熱不寒不若似瘥先寒後熱尚有表症者發作有時不若發熱壯熱煩熱常熱不休者雜症潮熱有實有虛外感潮熱惟以陽明腸胃積熱燥屎所致故潮熱多用清下二法以裏症多也然又有分別發於寅卯二時先有微寒而熱者此少陽潮熱無汗脉浮柴胡防風湯有汗脉弦小柴胡湯大便秘有下症者大柴胡湯虛人柴胡引子發於巳午二時或一日一發者此太陽潮熱脉浮無汗羌活中和湯熱結膀胱導赤各半湯重加

羗活發於申未二時或間日發作者此是陽明腸胃積熱宜川連枳殼湯然脉浮無汗尚宜乾葛解肌湯有汗脉大口渴用葛根白虎湯若胸前飽悶右脉弦滑保和散重加消導若大便結有下症者大乾葛湯下之若腹脹滿作痛欲大便不得便手足熱熱多汗用三乙承氣湯潮熱不用發表之方者以潮熱無表症耳若表邪未散者仍用發表是以潮熱亦有用雙解散小柴胡湯和解而愈者未可徒恃清下二法者總之自汗脉沉數無表邪之潮熱宜清裏不必解表無汗脉浮大有表症之潮熱宜解表卽有裏邪亦只